



**ბუღალტრული აღრიცხვის,
ანგარიშგებისა და აუდიტის
ზედამხედველობის სამსახური**

12 თებერვალი 2026



N188328

ქ. თბილისი

ბ რ ძ ა ნ ე ბ ა

„სს "ფერო"-სთვის გაორმაგებული ფულადი ჯარიმის სახით პასუხისმგებლობის დაკისრების შესახებ“
ბუღალტრული აღრიცხვის, ანგარიშგებისა და აუდიტის ზედამხედველობის სამსახურის უფროსის 2025
წლის 15 ივლისის N150273 ბრძანების ბათილად ცნობის შესახებ

2023 წლის საანგარიშგებო პერიოდის ანგარიშგების წარდგენაზე ანგარიშვალდებულ საწარმოთა
იდენტიფიცირების შემდგომ, ბუღალტრული აღრიცხვის, ანგარიშგებისა და აუდიტის ზედამხედველობის
კანონის (შემდგომ - კანონი) მე-9 მუხლის მე-2 პუნქტით დადგენილ ვადაში ანგარიშგების
წარუდგენლობის მიზეზით, სუბიექტის მიმართ გაცემულ იქნა სს "ფერო"-სთვის წერილობითი
გაფრთხილების სახით პასუხისმგებლობის დაკისრების შესახებ“ სამსახურის უფროსის 2024 წლის 14
ნოემბრის N113802 ბრძანება.

სს "ფერო"-სთვის წერილობითი გაფრთხილების სახით პასუხისმგებლობის დაკისრების შესახებ“
სამსახურის უფროსის 2024 წლის 14 ნოემბრის N113802 ბრძანების ჩაბარებიდან 1 თვის ვადაში
ანგარიშგების წარუდგენლობის მიზეზით, გაცემულ იქნა „სს „ფერო“-სთვის ფულადი ჯარიმის სახით
პასუხისმგებლობის დაკისრების შესახებ სამსახურის უფროსის 2025 წლის 3 აპრილის N149284 ბრძანება.

სს „ფერო“-სთვის ფულადი ჯარიმის სახით პასუხისმგებლობის დაკისრების შესახებ სამსახურის
უფროსის 2025 წლის 3 აპრილის N149284 ბრძანების ჩაბარებიდან 1 თვის ვადაში ანგარიშგების
წარუდგენლობის მიზეზით, სუბიექტის მიმართ გაცემულ იქნა „სს "ფერო"-სთვის გაორმაგებული
ფულადი ჯარიმის სახით პასუხისმგებლობის დაკისრების შესახებ“ სამსახურის უფროსის 2025 წლის 15
ივლისის N150273 ბრძანება, რომლის შესაბამისად სუბიექტს დაეკისრა გაორმაგებული ფულადი ჯარიმა
10 000 (ათი ათასი) ლარის ოდენობით.

სს „ფერო“-ს (ს/კ 430041670) (შემდგომ - სუბიექტი) მიერ, 2023 წლის საანგარიშგებო პერიოდის
ანგარიშგება სამსახურში გადმოიგზავნა 2025 წლის 15 ივლისს 17:35 საათზე.

სუბიექტმა 2025 წლის 22 დეკემბერს ბუღალტრული აღრიცხვის, ანგარიშგების და აუდიტის
საბჭოს მიმართ საჩივრით, სადაც აღნიშნა, რომ მის მიერ 2023 წლის საანგარიშგებო პერიოდის ანგარიშგება
წარდგენილ იქნა „სს „ფერო“-სთვის ფულადი ჯარიმის სახით პასუხისმგებლობის დაკისრების შესახებ
სამსახურის უფროსის 2025 წლის 3 აპრილის N149284 ბრძანების გაცნობიდან ერთი თვის ვადაში და
შესაბამისად მოითხოვა „სს "ფერო"-სთვის გაორმაგებული ფულადი ჯარიმის სახით პასუხისმგებლობის
დაკისრების შესახებ“ სამსახურის უფროსის 2025 წლის 15 ივლისის N150273 ბრძანების ბათილად ცნობა.

სამსახურმა ადმინისტრაციული ორგანოს სისტემის თვითკონტროლის მიზნით, უზრუნველყო წარმოების დაწყება, მის მიერ მიღებული საბოლოო გადაწყვეტილებ(ებ)ის გადასინჯვა და დამატებით გამოიკვლია საჩივარში მითითებული ახალი ფაქტობრივი გარემოებები. აღნიშნული წარმოების საფუძველზე, სამსახურის იურიდიული დეპარტამენტის ხელმძღვანელის 2025 წლის 9 თებერვლის N 9756-16 მოხსენებითი ბარათის შესაბამისად, ბუღალტრული აღრიცხვის, ანგარიშგების და აუდიტის საბჭოს სამართლებრივი პრაქტიკის გათვალისწინებით, მიზანშეწონილად იქნა მიჩნეული „სს "ფერო"-სთვის გაორმაგებული ფულადი ჯარიმის სახით პასუხისმგებლობის დაკისრების შესახებ” სამსახურის უფროსის 2025 წლის 15 ივლისის N150273 ბრძანების ბათილად ცნობა.

საქართველოს ადმინისტრაციულ სამართალდარღვევათა კოდექსის მე-10 მუხლის შესაბამისად, „ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა“. საქართველოს ზოგადი ადმინისტრაციული კოდექსის (შემდგომ კოდექსი) მე-6 მუხლისა და მე-7 მუხლის მე-2 ნაწილის თანახმად, თუ ადმინისტრაციულ ორგანოს რომელიმე საკითხის გადასაწყვეტად მინიჭებული აქვს დისკრეციული უფლებამოსილება, იგი ვალდებულია ეს უფლებამოსილება განახორციელოს კანონით დადგენილ ფარგლებში. ადმინისტრაციული ორგანო ვალდებულია განახორციელოს დისკრეციული უფლებამოსილება მხოლოდ იმ მიზნით, რომლის მისაღწევადაც მინიჭებული აქვს ეს უფლებამოსილება. დისკრეციული უფლებამოსილების განხორციელებისას არ შეიძლება გამოიყენოს ადმინისტრაციულ-სამართლებრივი აქტი, თუ პირის კანონით დაცული უფლებებისა და ინტერესებისათვის მიყენებული ზიანი არსებითად აღემატება იმ სიკეთეს, რომლის მისაღწევადაც იგი გამოიყენა. დისკრეციული უფლებამოსილების განხორციელებისას გამოცემული ადმინისტრაციულ-სამართლებრივი აქტით გათვალისწინებულმა ზომებმა არ შეიძლება გამოიწვიოს პირის კანონიერი უფლებებისა და ინტერესების დაუსაბუთებელი შეზღუდვა. კოდექსის 53-ე მუხლის მე-4 ნაწილის თანახმად, თუ ადმინისტრაციული ორგანო ადმინისტრაციულ-სამართლებრივი აქტის გამოცემისას მოქმედებდა დისკრეციული უფლებამოსილების ფარგლებში, წერილობით დასაბუთებაში მითითებულ უნდა იქნეს ყველა ის ფაქტობრივი გარემოება, რომელსაც არსებითი მნიშვნელობა ჰქონდა ადმინისტრაციულ-სამართლებრივი აქტის გამოცემისას. ამავე კოდექსის მე-5 მუხლის პირველი ნაწილის თანახმად, ადმინისტრაციულ ორგანოს უფლება არა აქვს კანონმდებლობის მოთხოვნების საწინააღმდეგოდ განახორციელოს რაიმე ქმედება.

კოდექსის 60¹ მუხლის პირველი ნაწილის თანახმად, „ადმინისტრაციულ-სამართლებრივი აქტი ბათილია, თუ იგი ეწინააღმდეგება კანონს ან არსებითად დარღვეულია მისი მომზადების ან გამოცემის კანონმდებლობით დადგენილი სხვა მოთხოვნები“. ამავე მუხლის მე-3 და მე-7 ნაწილების თანახმად, „ადმინისტრაციულ-სამართლებრივ აქტს ბათილად ცნობს მისი გამომცემი ადმინისტრაციული ორგანო, ხოლო საჩივრის ან სარჩელის შემთხვევაში – ზემდგომი ადმინისტრაციული ორგანო ან სასამართლო“, ამასთან, „ადმინისტრაციული ორგანო ან სასამართლო ადმინისტრაციულ-სამართლებრივი აქტის ბათილად ცნობასთან ერთად განსაზღვრავს ადმინისტრაციულ-სამართლებრივი აქტის მოქმედების შეწყვეტის სამართლებრივ შედეგებს. შესაძლებელია განისაზღვროს ადმინისტრაციულ-სამართლებრივი აქტის მოქმედების შეწყვეტა მისი ძალაში შესვლის დღიდან“.

საქართველოს ადმინისტრაციულ სამართალდარღვევათა კოდექსის მე-10 მუხლისა და კოდექსის 60¹ მუხლის საფუძველზე,

ვ ბ რ ძ ა ნ ე ბ:

1. ბათილად იქნეს ცნობილი „სს "ფერო"-სთვის გაორმაგებული ფულადი ჯარიმის სახით პასუხისმგებლობის დაკისრების შესახებ“ სამსახურის უფროსის 2025 წლის 15 ივლისის N150273 ბრძანება მისი ძალაში შესვლის დღიდან.

2. ბრძანება გაცნობიდან ერთი თვის ვადაში შეიძლება გასაჩივრდეს ბუღალტრული აღრიცხვის, ანგარიშგებისა და აუდიტის საბჭოში (მის: ქ.თბილისი, გორგასლის N16) ან თბილისის საქალაქო სასამართლოში (მის: ქ. თბილისი, დ. აღმაშენებლის ხეივანი N64).

დავით მჭედლიძე



სამსახურის უფროსი

ბუღალტრული აღრიცხვის, ანგარიშგებისა და აუდიტის ზედამხედველობის სამსახური

